



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-468-3/25**

Datum: **13.03.2026. godine**

«Agencija za vodno područje rijeke Save» Sarajevo rješavajući po zahtjevu pravnog lica JP «RAD» d.d. Tešanj za donošenje rješenja o vodnoj dozvoli za privremeno ispuštanje komunalnih otpadnih voda u prirodni recipijent iz urbanog područja općine Tešanj, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Daje se vodna dozvola JP «RAD» d.d. Tešanj za privremeno ispuštanje komunalnih otpadnih voda iz urbanog područja općine Tešanj, putem javnog kanalizacionog sistema u prirodni recipijent – rijeka Usora. Ova dozvola se odnosi na sljedeće identificirane privremene ispuste u nadležnosti podnosioca zahtjeva:
 - Ispust glavnog kolektora užeg urbanog područja općine Tešanj u rijeku Usoru u naselju Kraševo (desna obala rijeke Usore; k.č. broj: 1007/7 K.O. Kraševo, općina Tešanj),
 - Ispust glavnog kolektora urbanog područja naselja Jelah u rijeku Usoru (desna obala rijeke Usore - Rastoke; k.č. broj: 90/3 K.O. Jelah, općina Tešanj).
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokalitetima ispusta i uz sljedeće uslove:
 - 2.1. Da se objekti koji čine javni kanalizacioni sistem općine Tešanj održavaju u ispravnom i funkcionalnom stanju u skladu sa njihovom namjenom i ovim Rješenjem, a prema Odluci o odvodnji («Službeni glasnik Općine Tešanj», broj 8/2009), Odluci o vodovodu i kanalizaciji («Službeni glasnik Općine Tešanj», broj 10/2005) i Odluci o izmjenama i dopunama Odluke o vodovodu i kanalizaciji («Službeni glasnik Općine Tešanj», broj 4/2009 i broj 4/2011).
 - 2.2. Da se permanentno radi na razdvajanju postojećeg mješovitog sistema odvodnje otpadnih voda u skladu sa projektnom dokumentacijom, te da se prilikom izgradnje nove kanalizacione mreže projektuje i izvodi isključivo separatan sistem odvodnje.
 - 2.3. Da se redovno vrši snimanje, izrada katastra kanalizacionog sistema i kontrola stanja postojeće kanalizacione mreže. Ukoliko postoje ili se na bilo koji način na terenu uoče nekontrolisani pojedinačni ispusti fekalnih otpadnih voda u prirodne vodotoke, iste registrovati i što hitnije poduzeti aktivnosti da se isti priključe na postojeće gradske kolektore.
 - 2.4. Da se vodi evidencija svih septičkih jama kao i drugih individualnih postrojenja za prečišćavanje otpadnih voda u području svoje nadležnosti, te da se vode stalne aktivnosti na eliminaciji septičkih jama i upojnih bunara, odnosno da se, gdje god je to tehnički izvodljivo, vrši priključenje objekata na kanalizacionu mrežu.
 - 2.5. Da se obezbijedi nesmetan pristup i redovno vrši održavanje obale i korita rijeke Usore na mjestima ispusta iz glavnih gradskih kolektora.
 - 2.6. Da se od korisnika, prilikom izdavanja odobrenja za priključak na gradsku kanalizacionu mrežu, zahtjeva da kvalitet otpadnih voda koje se ispuštaju u javnu kanalizacionu mrežu bude u skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.7. Odobrenje za priključak na kanalizacioni sistem treba da sadrži sve podatke i uslove propisane članom 28. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22) i odredbama Uredbe o uslovima ispuštanja otpadnih voda u okoliš i sisteme javne kanalizacije.
 - 2.8. Da se, za vrijeme trajanja ove dozvole, vrši monitoring recipijenta – rijeke Usore na ispustima glavnih gradskih kolektora definisanih tačkom 1. dispozitiva ovog rješenja. Monitoring vršiti prije i poslije ispusta iz kanalizacionih kolektora u skladu sa članom 25. stav (2) Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostavi Agenciji u skladu sa članom 23. iste Uredbe. Do izgradnje odgovarajućeg postrojenja za tretman otpadnih voda ne zahtijevaju se propisani efekti redukcije, odnosno dostizanje graničnih vrijednosti emisije.

Izvjestaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

3. Vlasnik, odnosno korisnik objekta je, u skladu sa Zakonom o vodama i Pravilnikom o načinu obračunavanja, postupku i rokovima za obračunavanje, plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), na osnovu utvrđenog stepena zagađenja ispuštenih otpadnih voda izraženog preko EBS-a (ispitivanje urađeno od strane ovlaštene laboratorije) obavezan je, za utvrđeni EBS-a prema rezultatima ispitivanja, plaćati posebnu vodnu naknadu za zaštitu voda.
4. Ispuštanje otpadnih voda u rijeku Usoru ne smije ugrožavati postojeći hemijski i ekološki status recipijenta.
5. Lokacija planiranog postrojenja za prečišćavanje urbanih otpadnih voda mora se rezervisati kroz prostorno – plansku dokumentaciju općine Tešanj i spriječiti promjenu namjene ovog prostora.
6. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet, obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprječavanju širenja onečišćenja i na otklanjanju uzroka onečišćenja.
7. U periodu važenja ove dozvole, korisnik je dužan provoditi sve mjere i aktivnosti propisane istom.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima kanalizacionog sistema i mjestima ispusta obuhvaćenih ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. U ovoj upravnoj stvari plaćene su sve upravne pristojbe.
11. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
12. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
13. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1, 2, 3 ili 4 Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Od strane pravnog lica, JP «RAD» d.d. Tešanj, dana 31.10.2025. godine podnesen je ovom organu zahtjev za izdavanje vodne dozvole za privremeno ispuštanje komunalnih otpadnih voda iz urbanog područja općine Tešanj, putem javnog kanalizacionog sistema u prirodni recipijent – rijeku Usoru, na dva identificirana mjesta ispusta. U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-25-002457 izdatog dana 28.07.2025. godine od strane Općinskog suda u Zenici,
- Ovjerena kopija Rješenja o izmjenama podataka u sudski registar broj: 043-0-Reg-23-001411 izdatog dana 30.01.2024. godine od strane Općinskog suda u Zenici,
- Ovjerena kopija Uvjerenja o registraciji poreznog obveznika izdatog dana 08.03.2024. godine od strane Porezne uprave Federacije BiH – Kantonalni porezni ured Zenica,
- Ovjerena kopija Uvjerenja o poreznoj registraciji izdatog dana 08.01.2010. godine od strane Porezne uprave – Kantonalni ured Zenica,
- Kopija Uvjerenja o registraciji/upisu u Jedinstveni registar obveznika indirektnih poreza broj: 04/1-UPJR/1-6544-2/09 izdatog dana 13.01.2010. godine od strane Uprave za indirektno-neizravno oporezivanje Banja Luka,
- Kopija Odluke o vodovodu i kanalizaciji broj: 01-02-1-1717-3/05 donesene dana 28.11.2005. godine od strane Općinskog vijeća Tešanj («Službeni glasnik Općine Tešanj», broj 4/2005),
- Kopija Odluke o izmjenama i dopunama Odluke o vodovodu i kanalizaciji broj: 01-49-1-1770-2/09 donesene dana 12.05.2009. godine od strane Općinskog vijeća Tešanj («Službeni glasnik Općine Tešanj», broj 4/2009),

- Kopija Odluke o izmjenama i dopunama Odluke o vodovodu i kanalizaciji broj: 01-02-1-1289-2/11 donesene dana 29.04.2011. godine od strane Općinskog vijeća Tešanj («Službeni glasnik Općine Tešanj», broj 4/2011),
- Kopija Odluke o odvodnji otpadnih voda broj: 01-02-1-3808/09 donesena dana 09.11.2009. godine od strane Općinskog vijeća Tešanj («Službeni glasnik Općine Tešanj», broj 8/2009),
- Kopija Rješenja o vodnoj dozvoli broj: UP-I/25-3-40-324-4/14 izdatog dana 04.12.2014. godine od strane «Agencije za vodno područje rijeke Save» Sarajevo,
- Kopija Rješenja o vodnoj dozvoli broj: UP-I/25-3-40-676-4/19 izdatog dana 03.02.2020. godine od strane «Agencije za vodno područje rijeke Save» Sarajevo,
- Kopija Rješenja broj: VL-Broj: 02/4-532/71 o privremenom odobrenju za izgradnju glavnog kanalizacionog kolektora grada Tešanj izdatog dana 28.06.1971. godine od strane Sekretarijata za privredu i urbanizam Opština Tešanj,
- Kopija Rješenja o upotrebi objekta - primarna kanalizaciona mreža u naselja Jelah broj: 04-360-47/91 izdatog dana 01.08.1991. godine od strane Opštinskog sekretarijata za privredu, društvene djelatnosti, opštu upravu i urbanizam Opština Tešanj,
- Kopija Zapisnika komisije za tehnički pregled objekta «Sekundarna kanalizaciona mreža» u MZ Jelah od 17.06.1991. godine,
- Kopija Rješenja o upotrebi objekta - sekundarna kanalizaciona mreža u naselja Jelah broj: 04-360-64/91 izdatog dana 09.09.1991. godine od strane Opštinskog sekretarijata za privredu i urbanizam Opština Tešanj,
- Kopija Zapisnika komisije za tehnički pregled objekta «Primarna kanalizaciona mreža» u MZ Jelah od 25.07. i 22.08.1991. godine,
- Kopija Rješenja o vodoprivrednoj saglasnosti za dogradnju kanalizacione mreže u naselja Jelah, broj: 04-337-2/91 od 22.03.1991, izdatog od strane nadležne službe opštine Tešanj,
- Kopija Rješenja o vodnoj dozvoli broj: 04-21-1-282-3/26 za privremeno ispuštanje komunalnih voda industrijske zone «Bukva - Vila» u rijeku Tešanjku izdatog dana 12.03.2026. godine od strane Službe za finansije, privredu, komunalne i inspekcijske poslove Općine Tešanj,
- Kratak opis postojećeg sistema kanalizacije u općini Tešanj sa situativnim prikazima glavnih kolektora i detaljnim snimcima glavnih ispusta u otvorene vodotoke,
- Kopija Izvještaja broj: OP-02.4-11-3064/25 o rezultatima ispitivanja otpadnih voda kolektora Rastoke za period 2020.-2023. godina i period 2024.-2025. godina urađenog dana 21.10.2025. godine od strane Ispitne laboratorije JP «RAD» d.d. Tešanj,
- Kopija Izvještaja o rezultatima ispitivanja otpadnih voda kolektora Rastoke za period 2020.-2023. godina broj: OP-02.4-11-3064/25 od 21.10.2025. godine urađenog od strane Ispitne laboratorije JP «RAD» d.d. Tešanj,
- Spisak tehničke dokumentacije: Kanalizaciona mreža na području općine Tešanj (ukupno 31 projekat),
- Kopija Izvještaja o rezultatima ispitivanja tereta zagađenja gradskih otpadnih voda Tešanj (broj: 07/26) i otpadnih voda Jelah (broj: 08/26) izraženog preko EBS-a urađenih od strane Ispitne laboratorije JP «RAD» d.d. Tešanj, mart 2026. godine,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnih privremenih ispusta komunalnih otpadnih voda u rijeku Usoru u naselju Jelah i Kraševo, općina Tešanj i tom prilikom je sačinjen Zapisnik o uviđaju broj: UP-1/21-3-40-468-2/25 od 03.02.2026. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Postojeći sistem prikupljanja i odvodnje otpadnih voda na području općine Tešanj izgrađen je dijelom kao separatan a dijelom kao mješoviti. Izgrađena su dva sistema odvodnje u urbanim zonama Tešnja i Jelaha sa ispustom otpadnih voda bez prethodnog tretmana u rijeku Usoru:

- kanalizacioni sistem užeg urbanog područja općine Tešanj sa ispustom novopostavljenog glavnog kolektora (Ø 1000 mm) u rijeku Usoru u naselju Kraševo (desna obala – u neposrednoj blizini kompleksa «ISTRABENZ» d.o.o. Breza). Na ovaj kolektor priključeno je ukupno 1923 domaćinstva i 324 društvenih i privrednih objekata. Na osnovu izvršenih ispitivanja u februaru 2026. godine, na mjestu ispusta utvrđen je teret zagađenja od 10539 ES.

- kanalizacioni sistem naselja Jelah sa ispustom glavnog kolektora u rijeku Usoru (desna obala) na lokalitetu Rastoke. Na ovaj kolektor priključeno je ukupno 1105 domaćinstva i 224 društvena i privredna objekta. Na osnovu izvršenih ispitivanja u februaru 2026. godine, na mjestu ispusta utvrđen je teret zagađenja od 6451 ES.

Za prikupljanje otpadnih voda industrijske zone «Bukva - Vila» u općini Tešanj izgrađen je zaseban kanalizacioni sistem sa evidentiranim ispustom prikupljenih otpadnih voda u rijeku Tešanjku za što je od strane nadležne službe Općine Tešanj dana 13.03.2026. godine izdato Rješenje o vodnoj dozvoli broj: 04-21-1-282-3/26. U toku je realizacija projekta izgradnje jedinstvenog sistema prikupljanja, odvodnje i tretmana komunalnih otpadnih voda na području općine Tešanj. Ukupna vrijednost projekta, koji se sufinansira kreditnim sredstvima EIB, iznosi 11,76 mil. eura. Projektom dokumentacijom je predviđena izgradnja separatnog sistema kanalizacije te izgradnja postrojenja za tretman otpadnih voda na desnoj obali rijeke Usore u naselju Kraševo u neposrednoj blizini ispusta novopostavljenog kolektora.

Monitoring recipijenta otpadnih voda na lokalitetu Rastoke u naselju Jelah se vrši redovno od strane laboratorije JP «RAD» d.d. Tešanj (dostavljeni izvještaji za period 2020.-2025. godine).

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnim lokacijama ispusta otpadnih voda u prirodni recipijent, a u svrhu smanjenja negativnih uticaja predmetnih aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama člana 115. do člana 118. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) utvrđene su obaveze u tački 6. dispozitiva ovog Rješenja.

Na osnovu provedenog postupka, konstatuje se da je podnosilac zahtjeva JP «RAD» d.d. Tešanj, ispunio minimum uslova za dobivanje vodne dozvole za privremeno ispuštanje komunalnih otpadnih voda iz urbanog područja općine Tešanj, putem javnog kanalizacionog sistema, u rijeku Usoru, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).


Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se taksom od 15 KM, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju
Rukovodilac Sektora za izdavanje vodnih akata

Nihad Pezo, dipl.inž.građ.

Dostaviti:

– JP «RAD» d.d. Tešanj

Trg žrtava 3. augusta br. 2, 74260 Tešanj

⊖ AVP Sava, ISV – Vodna knjiga

– Sektor 50

– Sektor 40 - arhiva

– Oglasna ploča - AVP Sava